



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏ

0025, ք. Երևան, Նալբանդյան 130, ընդունարան հեռ. 596-659, քարտուղարություն, հեռ. 596-125

N 10/5-2-1582

« 27 » 05 2010 թ.

Ձեր

Հայաստանի Հանրապետության
արտաքին գործերի նախարար
պարոն Է. Նալբանդյանին

Հարգելի պարոն նախարար

Ի պատասխան Ձեր 21.05.2010թ. թիվ 16/07514 գրության, հայտնում եմ, որ ՀՀ Ոստիկանությունը, քննարկելով «Սեռական շահագործումից եւ սեռական բնույթի բռնություններից երեխաների պաշտպանության մասին» Եվրոպայի Խորհրդի կոնվենցիան, նպատակահարմար է գտնում փաստաթղթի ստորագրումը:


Կից Ձեզ է ներկայացվում կոնվենցիայի ստորագրման նպատակահարմարության մասին տեղեկանքը:

Առդիր՝ «1» էջից:

Հարգանքներով՝

Ոստիկանության գեներալ-լեյտենանտ

Ա. Սարգսյան



Տ Ե Ղ Ե Կ Ա Ն Ք


«Սեռական շահագործումից եւ սեռական բնույթի բռնություններից երեխաների պաշտպանության մասին» Եվրոպայի Խորհրդի կոնվենցիայի ստորագրման նպատակահարմարության մասին

Կոնվենցիայի ստորագրումը հնարավորություն կընձեռի՝

- կանխել երեխաների սեռական շահագործումը եւ սեռական բնույթի բռնությունները եւ պայքարել այդ դրսեւորումների դեմ,
- պաշտպանել սեռական շահագործման եւ սեռական բնույթի բռնությունից տուժող երեխաների իրավունքները,
- խթանել պետական եւ միջազգային համագործակցությունը երեխաների շահագործման եւ սեռական բնույթի բռնությունների դեմ պայքարի բնագավառում,
- խրախուսել երեխաների պաշտպանության եւ իրավունքների շուրջ իրազեկության բարձրացումը կրթական, առողջապահական, սոցիալական պաշտպանության, արդարադատության եւ իրավապահ մարմինների՝ երեխաների հետ շփում ունեցողների շրջանում,
- երաշխավորել, որ առաջնային եւ միջնակարգ կրթության ընթացքում երեխաները տեղեկատվություն ստանան սեռական շահագործման եւ սեռական բնույթի բռնությունների ռիսկերի, ինչպես նաեւ պաշտպանվելու միջոցների վերաբերյալ,
- հաստատել արդյունավետ սոցիալական ծրագրեր եւ ստեղծել բազմաբնույթ կառույցներ՝ ապահովելու տուժողների, նրանց հարազատների եւ նրանց խնամքի համար պատասխանատու ցանկացած անձի համար անհրաժեշտ աջակցությունը,
- միջոցառումներ ձեռնարկել՝ խրախուսելու ցանկացած անձի, ով տեղյակ է կամ բարեխղճորեն կասկածում է երեխաների սեռական շահագործման կամ սեռական բնույթի բռնությունների դրսեւորումների մասին, այդ փաստերի մասին գեկուցել իրավասու ծառայություններին,
- միջոցառումներ ձեռնարկել՝ խրախուսելու եւ խթանելու տեղեկատվական ծառայությունների՝ հեռախոսային եւ ինտերնետային թեժ գծերի ստեղծումը, որոնք զանգահարողներին կտրամադրեն խորհրդատվություն,
- աջակցել տուժողներին, կարճաժամկետ եւ երկարաժամկետ հիմքերով, վերջինների ֆիզիկական եւ սոցիալ-հոգեբանական վերականգնման ընթացքում՝ հաշվի առնելով երեխային կարծիքները, կարիքները եւ մտահոգությունները,
- միջոցառումներ ձեռնարկել, ներպետական օրենսդրությանը համապատասխան, տուժողներին աջակցություն ցուցաբերող ոչ կառավարական կազմակերպությունների, այլ համապատասխան կազմակերպությունների եւ քաղաքացիական հասարակության այլ տարրերի հետ համագործակցելու նպատակով:

Ելնելով վերոգրյալից, ԶԶ Ոստիկանությունը նպատակահարմար է գտնում կոնվենցիայի ստորագրումը:

ԶԶ Ոստիկանության պետ,
ոստիկանության գեներալ-լեյտենանտ


Ա. Սարգսյան